



敕賜勉學書院集叙

勉學書院集者

潘先王暨

今王所為詩也集為卷十二

安王一

憲王五

宣王四



東坡書院集 序
今王二蓋

四王相承而所為詩若是猗
與盛矣不佞進者辛壬之
歲分守西河則已序

今王集矣迨茲十年所來撫

全晉

王復走書不佞屬是集焉不

佞則何以應教夫學之道

多端矣先師示門人曰小

子何莫學夫詩至家庭之

訓亦曰不學詩無以言蓋

可興可觀可羣可怨大而

事父事君細而鳥獸草木

一備於詩故學多端而詩

其要也唐虞氏作喜起之
 歌解阜之詠載在造帙下
 至十五國而蟋蟀之詠播
 于唐風迨于春秋列國燕
 享聘問賓主各陳其詩以
 言志道和若延陵季子聞
 魯樂而知德其大要可觀

記矣漢魏以來郊廟歌辭
 閭巷風謠大風之歌秋風
 之辭炳炳朗朗照映史冊
 作者倡之述者脩焉故舍
 詩而言學非學也全晉之
 地平陽蒲坂唐虞之遺跡
 存焉汾之水固漢武之所

由濟也上黨居汾上游去
唐虞故都不能以千里

高皇帝首建

藩藩賜院勉學介平陽蒲坂

汾水之間

聖意深矣乃今

四王相承不自暇豫孳孳以

勉學為事矣而為詩又和

平溫厚直與喜起之歌解

阜之詠上下相望橫汾之

曲又奚足為有無哉夫遵

聖訓光

祖烈

今王事也不佞益樂觀之乃

為序其端如此

萬曆十有九年冬十二月

賜進士第提督三關巡撫山西

都察院右副都御史前通

政司通政使豫章朱孟震

撰



讀勉學書院集叙

昔人云年壽有時而盡榮

祿止乎其身二者必至之

常數未若文章之無窮

然而紳襟家吮墨濡毫

輒視為父兄所傳子弟

而習在是至於

璇源毓粹瓊樹飛苑要

必自造物獨鍾其靈而

厚儲其蓄故每向世不一

觀其幸一觀之則如鶴

唳九霄鳳鳴子仞有化

尋常組紘之句所能肖
擬第一者况乃

突世蟬聯

睿藻之紛披後先作述

相輝映令人望河漢而

遊星海之自來其起落

經涉委汎滿注之勢渺
 無涯際則先千百世不
 一觀矣余讀勉學書院
 集為

瀋藩先王四代歌詠之篇
 洋洋之德、大邦所村慕

博能精慕弘古慕意
 與皆發摠其獨至之性
 一再諷誦若游清都紫
 微於鈞天雅奏飛渡人
 百世所恒有何者蘊毓
 深故其吐露奇麗之塵

井之舍區后運斤斲之
 計日可落若以未尖之壯
 靈光之器雖及俞光輪
 子燕集於門構固未易
 擬其巍峩尔淮南第者
 于古斲稱然未有龍種

鳳毛接踵而迭興者余于
 役晉陽竊於

今王仁孝之聲藉之蓼蕭
 湛露間而其流翰抒詞
 公時得之往來尺一雖躬
 枚無能佐剩伎返有謀

魏學士書院集
卷之二
士上黨握持

殿庭

冲襟霽宇霽
霽若祥雲籠
罩與穆醴殷
俾余得
追隨西園飛
善想珠璣
月煥之輝因
卷出其

先世之鴻秘以相示固知
造物之獨鍾與厚儲者
以未有艾也其於鼓吹
佳明廣歌喜起字

熙朝敷睦雅化樹屏翰於
無疆栢与卷式又四年

壽崇祿之震耀一時已
也余兒從祖誦之餘喜
聲馨之故孰又辱

上王之命遂忘其不文以

自附於青雲施之時

崇祿改元尋夏朔日奉

勅提督山西等處學政布

政使司右叅政浙水

後學吳時亮頓首恭

誦



勉學書院集序

造評詩者謂雕繪盈眸

弗子初日芙蓉天然可

愛濡墨府尚毫弗子泉流

萬斛信腕直書詩三千吾

尼父僅取三百按之海歌

和平溫厚待至和平溫厚
六難言矣天地嚴凝之氣
始西南而盛西北和煦之氣
始東北而盛東南人實肖之
發為詞賦者得其才情所
近故偏至易為諸難余以

為此自三代後論也三代而
上帝王率都西北扶天
苞剖地符東南鮮與焉
斯何時歟歆復觀隆古渾
噩氣象歟維艱哉今

潘王裁

高皇帝雲孫也桐封以遠今
茲馳聲詩苑者四世而後
剖符漢澤觀

先定王德輝道蔭忘分下交
恣所譚祝時去時史引平
原布衣之歡脩孔孝通

家之好授簡在
教問遺相望於途即名佞里
居而函書置驛之使過而
向焉茲徼天緣乘憲上黨
樞侍

王左右飛蓋後醴仰窺其

襟度瀟洒矢口典謨擊鉢
 刺燭遊行於金碧垣苑
 之間真之以黼黻卿雲焜
 耀化日河間脩文好古東
 平契學廣交中山篤習
 不輟陳思揮毫立就咸

矐乎後矣承風揮塵之
 跡間出勉學書院集以系
 余披讀卒業作与嘆曰
 四王睿思身撲生氣飛動
 如雲興霞蔚燁々搖目兮
 甯韶鈞天耳根頓清温

厚和平之調悅起膺歌再
兄按平陽蒲坂安邑二帝
夏王之鄰洵西北靈秀之
奧區瀆淵實足人之是集
也得無以初章一心印精一
秘密邪以詩論

安廟濬其源

憲廟匯其流

宣廟決其瀾

定廟揚其波
公業相承
獲度一揆
筆巘墨瀾
琳琅珠璣
定格與後有篇
積學

而後有句極思與後有字
 三百篇十九首黃幼建安以
 下悉所考鏡與自成機杼
 情事配合意象適均宮徵
 經緯不膠古入而無操擬
 牽合之痕無饒飢聲牙

之習風鈴雨鼓天府新聲
 也月華一雲彩霄漢奇葩
 也吹靈籥與和八風研鳴
 谷危鍾呂悠然也以東南
 之氣劑西北之骨參和不
 偏率歸之於溫厚和平

此正始之允韻大雅之鴻裁也

國家自

高皇帝御製天漢昭回千古

罕儼嗣

孝宗培養以朱景懌漸開賢

聖六七作弘嘉隆萬至今

天子中興氣運醴醜而昌熾待

凡三變

藩國自

周獻王操觚與此地信陽諸君

子彬先後為四傳與交景

輝映則指東可再僂且也勉
學之名

高皇賜命

王之好學屬詞上編

四王鳳毛麟趾繩之束艾集

且漸銀與廣布之繇文章以


占氣運謂

王之歌咏鼓吹

臣天子之位明可也余何幸
躬際其盛

皇明崇禎上章敷祥歲清和吉
賜進士出身通奉大夫正治卿

山西布政使司左布政使
按察司副使分巡冀南兵
備道後學懷慶王所用
首恭撰



潘國勉學書院集題辭

敬惟我

始祖簡王鍾英

麟趾肇啓桐封虔脩侯度乃心

帝室

六世祖康王

五世祖莊王祗率前章躬先儉樸在
永樂天順間適

朝廷多事惓惓屏翰之任

三祖惟勤國中用是寧一而孫子之昌
實由

三祖之濬其源者深哉邈矣支裔分王
首重蒙養循循于孝友是訓是迪其
深仁遺範國中黃耆時能言之

高祖安王居逸無驕益弘詩禮

曾祖惠王克承先志手錄遺稿盖大羹
餘味後昆之作者邇厥本始在於斯
焉至我

祖憲王天挺英睿膺

命享國鼎建官府繩舊布新日不暇給猶
尚考據故實博綜經史延通儒紳虛
已應酬無不心悅誠服而燕談之頃
搗藻倡賡陽春迭奏颯颯乎盛世之
音矣我

宣考金輝玉潤早嗣

藩統敬慎守成厯事

三朝特膺

宸眷下

褒曰忠義曰忠勤曰好學敦倫

絲綸渙敷

寵光游賁尤兢兢持盈動為矩法國政之

暇游神玄覽毫素所擬率性情之自

然於戲故笏遺石昔人所珍子孫之

得以奉對

神明者舍茲孰重焉矧我

祖考荷

累朝惇睦之恩

列聖經緯之化啓我藩藝文之盛

奕世睿章斐然在笥顧未遑彙集成篇

用垂不朽是則後人之責也不肖堯

以憲昧叨承茅土深惟

前脩無能繼述於萬一謹將故箴

手澤繕錄共得詩若干篇刻於

勅賜勉學書院以闡

先世敷祥之長俾世世子孫景式無斁


行將上塵

乙覽副存太史雖不足與天祿之書頡頏
後先然亦庶幾昭我

明文治之隆以備國風之一什云

龍飛萬曆庚寅三月之吉

不肖孫嗣王珵堯薰沐稽首謹識



潘國勉學書院集目錄

卷一

凝齋稿五七言近體詩五十四首
附詩餘五首

卷二

保和齋稿五言律詩一百首

卷三

保和齋稿五言律詩九十六首

卷四

免學書院集
保和齋稿七言律詩六十二首

卷五

保和齋稿七言律詩七十一首

卷六

保和齋稿五七言絕句八十三首
附敘

卷七

綠筠軒稿五言律詩八十三首

卷八

綠筠軒稿七言律詩五十二首

卷九

綠筠軒稿五言排律十三首
五七言古詩十六首
五七言絕句四十六首

卷十

綠筠軒稿賦五篇
附敘

卷十一

脩業堂稿五七言古詩

卷十二

脩業堂稿 五七言近體

目錄竟

潘國勳學書院集卷一

凝齋稿

潘安王凝齋道人著

五七言近體詩五十四首

春日寫懷二首

立春強半月簷雪已全消獨有霜侵鬢年來未肯饒

一春詩思懶苦樂在心知獨抱魚龍志難逢際

遇時

春山晚翠

霏霏晚雨過山林一望東臯草木深無限春光
帶煙色半天青翠見遙岑

暮春有懷永昌

別後思君又幾旬每將雙鯉寄征人可憐水闊
天涯遠不覺光陰入暮春

閑書

綠竹搖風細青松映月幽兩般真意味獨得此
心頭

春意

小園春雪過遠近野梅開唵到無懷處携琴自
一杯

南樓雨霽

雨過油然見掛龍南牕習習晚風同幾回無寐
觀銀漢碧落澄澄萬里通

春日有懷遠客二首

小圃辛夷漸發芽
禁城殘柳欲飛花
可憐九十春光去
未遂還家只夢家
一庭明月上梨花
深院寒砧攪暮笳
莫道春宵無寂寞
誰憐遊子在天涯

秋夜

冰輪忽轉夜澄清
堦下蛩蟬唧唧鳴
獸坐小齋吟短句
誰家羌笛起愁聲

暮雲憶秦中詩人

關門西望暮雲連
積雪衝風滾白緜
騷客留題歸灞上
圍爐一酌正陶然

走馬燈

不見征鼙金角聲
蕭蕭如過萬千兵
待他佳節看燈後
永息狼煙賀太平

有懷道友

一衲披雲海上行
與君分手十年情
何時共濯

滄浪水為脫塵襟萬斛清

秋意

門掩書齋柰寂寥傷秋况值雨蕭蕭竹枝那解
愁人意故向南牕弄晚颼

花朝寫懷

二月山城未見花和風習習漸抽芽幾回欲問
花神意徙倚闌干日未斜

秋夜聞砧

小苑西風報蚤秋是非漸覺付東流砧聲故入
愁人耳一夜霜華欲上頭

秋懷

思君一日度三秋種種閑情逐水流昨日暮雲
樓上望天涯寂寞意悠悠

七夕

碧雲淡淡縈愁緒夜淨更殘月已過回首銀河
深寂寂牛郎咫尺事如何

新春

東風一夜蚤春來
梅萼飄香帳殿開
旋簇五辛宜稔歲
太平無日不啣杯

春興

柳陰無意聽鶯啼
啼得春光又蚤歸
豈若舊時尋壘燕
雙雙獸傍主人飛

春日寄懷長子縣尹

雙雙飛燕引新雛
兩兩鳴鳩對雨呼
况是春殘

惆悵日幾回
翹首望仙鳧

春晚

東風幾日又春殘
為惜春殘怕倚闌
無可柰何花謾落
坐看流水月團團

夏日喜晴

雨晴携杖步瑤臺
如約清風雲路來
酷暑漸消紈扇歇
卧看新月印蒼苔

夏日

流金爍石太炎蒸日午清風謾欲乘
睡起朗吟無箇事高臺扶杖一閑登

劉阮圖

採藥歸來失路忙胡麻流出味馨香
阮郎不悟乾坤別再訪應知事杳茫

題東庄

萬頃黃雲接鳳坡西成民望樂還多
耕耘莫道田疇易粒粒盤中有古歌

漳川秋晚

漳川綠水抱新堤風月無邊任品題
馱把釣竿歸興晚夕陽野鳥傍人啼

賞梅偶題

酒亂無巡人易醉詩成有興客爭題
梅花誰解冰清淺薇蕨高風自外齊

詠雪

碎剪梨花擬撒鹽半飄茅屋半飛簾
党家值此

歡娛甚陶老嗟將凍筆拈

元宵無月二首

去年此際觀燈夜月滿樓臺斗柄橫今日令人
倍惆悵倚樓問月到初更

邀朋約友賞華燈豈料濃雲片片生寄語滕家
休六出暫開冰鏡到山城

劉教授到任

授爾藩邦輔導官操持還要寸心堅琢磨啓迪

須勤慎務使王孫繼聖賢

春寒

草堂怯冷閉柴扉檻外東風尚作威何事馮夷
太相妬不容春意到書幃

初冬

初冬喜見豐年兆上黨風高雪正飛遙憶瀟湘
當此際橙黃橘綠鱗偏肥

遣興

雪冷煙寒賴酒饒幾回吟罷更寥寥東皇何事
無情思不放春風一脈銷

述懷

雨晴便覺簾生涼燕子雙雙過院墻况是晝長
無箇事綠槐清影蘸方塘

早春家宴

愁驚弘治年俄換又喜春從正德來 君寵親
恩無以報年年願上紫霞杯

感懷

去年今日值新秋謾折花枝當酒籌何事此時
多寂寞好懷吾已付東流

冬至

雷復地生陽雲書紀瑞祥松髯將轉翠梅萼漸
舒香堯曆頌黃道宮娃驗晝長年光頻欲換羞
見鬢邊霜

客有揚州來者憶其風景賦此答之

君道揚州好重來話舊遊
碧桃迎鳳輦細柳拂
龍舟蓮女歌清夜瓊枝弄
蚤秋繁華今已矣明
月水空流

夏夜

佳景值清和良宵興歎多
柳陰拚對酌竹徑樂
行歌淪茗消輕暑敲詩敵
酒魔方知團扇好班
女怨如何

題牛儀賓林亭

小圃幽亭構藏脩養素心
遠山環翠障密樹靄
雲岑謝俗忘繁慮觀書惜
寸陰惟君誰可擬歎
接杏壇吟

立冬

入冬經月半始見雪花飛
撒撒堆閒砌紛紛積
禁闈貂裘公子宴簾笠釣
船歸此際無懷者袁
安正閉扉

止酒

勉學書院集卷一
九
今人沉湎多古人醺則止馬援有嘉言歷歷戒
諸子我見止酒篇目快心還喜大哉金石言永
為後學啓

挽蔚左史七韻

命矣摧良弼愁雲黯夕暉我如一鑑失君去幾
時歸諫草遺忠愛詞章燦錦機鹽梅方有賴魚
水遽相違深恻孤兒泣空嗟薤露晞學書無白
季化鶴憶丁威不盡君臣義潛然濕袞衣

元旦

葭管飛灰斗建寅梅花消息報新春祛儼鼓振
和風動爆竹聲馳喜氣臻椒酒滿斟稱永壽桃
符謾寫應佳辰喜逢戊午年來換四海雍熙樂
萬民

送五臺山僧明曉

曉來法席尚餘香雲水悠悠道路長錫杖策開
三晉雪衲衣披盡五臺霜經傳般若談偏熟禪

入維摩語竝忘若到深心三昧地應知無處覓
行藏

書齋偶題

日長無事獨觀書內省工純樂有餘簾外風柔
浮細草牕前月靜映清渠鳴琴客至情偏洽對
景詩成意自如閑倚曲闌頻望處白雲天際卷
還舒

秋夜感興

是非不到釣魚臺獨坐蒲團甚樂哉紅葉收將
草茗去黃庭寫得換鴛來東籬野菊從容綻西
沼秋蓮猶自開幾度看山邀月飲留連不覺玉
山頽

送晚翠南行省親

臨岐別我南州去菊老荷凋正暮秋霜染鄧林
紅葉亂雨晴巫峽白雲收荒城畫角驚殘夢故
國砧聲動遠愁莫為梁園留逸樂高堂詩酒待

君酬

登樓懷古

大火西流漸屬金登樓懷古獨傷心秦城已廢
烽煙息晉嶺空高草木深落日鴉聲依遠樹殘
更螢點聚踈林英雄回首皆黃土獨有寒雲鎖
暮岑

初冬夜坐

碧梧枝老菊仍凋永夜青樽伴寂寥爐冷謾須

添獸炭燈殘頻欲薦蘭膏鬢毛不耐霜侵改身
世還同雪暗銷回首風雲多變態慵看蝨蟻聚
昏朝

賞雪

誰剪銀雲密墜雲西山堆作白璘玠風吹朱戶
寒初透地擁瑤華夜不分近嶺早梅先破臘向
陽凍筭欲回春開牕人坐冰壺裏被氈當爐酒
半醺

清明述景

節遇清明喜日晴郊遊人共踏莎行青窺柳眼
千條嫩紅入桃腮萬點輕曲徑有花仍踟蝶深
林無處不啼鶯凭闌俯仰追遺事惟見東風不
世情

附詩餘五首

浣溪沙

幾枝梅子弄新黃時值清和日漸長閑來獨步

遶回廊○石枕藤床涼似水誰家玉笛韻飄揚
倚闌聽處斷人腸

眼兒媚

琴臺懶傍減風流幾許為花愁無限閑情數聲
啼鳥一鎖眉頭○槐陰院宇清如許心事謾悠
悠思君在柳邊竹下翠艇蘭舟

畫堂春

困人天氣日偏長啼鶯轉過斜陽亭前一陣芰

荷香瘦損紅粧。○倦倚危樓登眺幾行。鴈叫瀟湘無憑尺素寄君傍。默默思量。

一剪梅

無聊緩步到回廊。行見餘芳。坐見餘芳。非干午困扇微涼。花有清香。酒有清香。○春風小徑正飄揚。惱在柔腸。喜在柔腸。今宵詩興又何長。詩也無量。酒也無量。

鷓鴣天

此日黃花蝶也愁。何勞宋玉更悲秋。饒他白髮三千丈。且喜黃金十二樓。○落帽事暫休。休當杯到手。勿停留。西風簾捲碧天雨。莫道吳霜點鬢稠。

安祖睿稿在

憲祖時已製叙入梓。茲所集一遵舊刻。原叙不具錄。不肖玄孫嗣王理堯薰沐稽首謹識。

潘國勉學書院集卷一終

